

## ИШКДЛ

Социалистическ орн-нутгудин куч-кӧлсчнр „Колхозн тосхлтин цаарандк делгрлтин болн машинн-тракторн станцсин бурдӧмджиг онъгдаруллгъна тускар“ ур Н. С. Хрущевин докладин тезисмудӧр ик гидгӧр сонъмсджацхана.

„Колхозн тосхлтин кутц цецгрлгънӧ тӧлӧ“ гидг нертӧ редакционн статьядан болгарск „Отечествен фронт“ газет иигдж бичджӧнӧ: Ур Н. С. Хрущевин доклад—коммунистическ тосхлтд ик гидг тууджлгч чинртӧ документ. Промишленностин болн тосхлтин гардвриг онъгдарулдж ясурилгъар одахн кӱцӧгдсн тӧр нам санджаснас улм сӧн даву байн ашта болдж гарчана, КПСС-н ЦК-н ода кӱцӧджӧх эн тӧр бас тер тӧрлӧ адл чинртӧ. Ода цуг советск экономикин ӧмн ӧвртӧ гидг ӧргн кӱцӧмдж болн аргъ секгдлжӧнӧ, эн тоотнь Советск туургсн орн-нутг кӱцӧхӧр зӱткджӧх — коммунизм тосхлгъиг хурддулх.

Ах-дӱ болгч советск олн-ӧмтнӧ, бӧрсн шин лиилвр болгън болгарин олн-ӧмтиг байрлулна гидж газет темдгддж бичджӧнӧ.

Румынск „Скынтейя“, „Ромыниа либера“, „Мунка“, „Скынтейя тинеретулуй“, „Ап-эраря патрией“ гидг газетс ӱзмджтӧ ормстан, ик ӱзгӱдӧр, Н. С. Хрущевин докладин тезисмудин тускар бичдж зӧнъгдлжӧцхӧнӧ. Деревеньд социалистическ хуврлт кехин тӧлӧ, кӧдлмшчнрин болн крестьянмудин ницлтиг батлхин тӧлӧ ноолданл ӱзӱлсн машинн-тракторн станцсин нилчин тускар ода машинн-тракторн станцсин бурдӧмджиг онъгдарулснь туста болхин тускар, колхозмудт производственн-техническ тетклгъ ӧглгънӧ улм сӧн янзин тускар тезисмудт келгдсн ормсиг газетс темдгддж йилгвртӧ харар барлджана. Чехословакин олн-ӧмтн, га-

зр хагълдж эдлӧчнр, селӧнӧ эдл-ахун специалистнр, селӧнӧ эдл-ахун производствин халхар кӧдлг ик номтнр Н. С. Хрущевин докладин тезисмудӧр ик гидгӧр сонъмсцхана.

Селӧнӧ эдл-ахун кооперативсин болн государство эдл-ахусин чледӱд дунд, селӧнӧ эдл-ахун дамшлтин станцсин болн научн-шинджлгънӧ институтсин коллективс дунд эн тезисмудин тускар кӱӱндвр кегъад, цугъар делгу таасджацхана.

Чехословацк тоомсрта эконимист, селӧнӧ эдл-ахун науки Чехословацк академин президентин дарук, академик И. Котятко иигж герчлж: СССР-н экономикиг делгрӱллгъӧр кӱцӧгдджӧх наадк чигн тӧрмудлӧ хамдан, ода МТС-н бурдӧмджиг онъгдаруллгъар кӱцӧгдн гиджӧх тӧр, ленинизм билглгч кевӧр олзллгъна эрки сӧн улгӱр болджан Колхозн тосхлтин цаарандк делгрлтин тӧлӧ кӱцӧгдджӧх эн тӧрмуд—коммунизм тосхлгъна хаалгъар кегч шин ишкдл болджахнь лавта. Эврӧннь байн дамшлтта, ӧбдӧн медртӧ дала адл кӧдлӧчнртӧ болн производствин цуг халхарн делгрнъгъӱ советск колхозмуд эврӧннь бийдӧн МТС-н машиндиг хулддж авад, кутц, сӧн аштагъар олзлдж, гектар болгъна ургъциг улм ӧбдлӱлхинь бидн лавта иткджӧнӧвдӧн.

МТС-н бурдӧмджиг онъгдаруллгън эврӧннь байн ацан магъд уга ӱзӱлхл иткджӧхӧн науки Чехословацк академин кӧдлӧчнр К. Фронк, Ф. Гушек, П. Ваничек, В. Пилат болн нань чигн улс герчлцхӧв. Селӧнӧ эдл-ахун делгрлтин хаалгъиг улм ӧргӧр секдж, орнутгиг селӧнӧ эдл-ахун хотхоолар болн промишленностиг сырьегъар хурдар элвгӧр теткх аргъ учрах гидж тедн келджӧцхӧнӧ.